

Ex Libris



PROFESSOR J. S. WILL




RB5555




Library
of the
University of Toronto





Digitized by the Internet Archive
in 2011 with funding from
University of Toronto





ARRIVEE DV ROY,

EN LA VILLE DV MANS,
LE 28. IVILLET 1620.

*Ensemble la Harangue faicte à sa Ma-
iesté au non des Habitans de ladi-
cte Ville.*

Et Generallement tout ce qui
c'est passé és lieux circon-
uoyns , auant l'arriuee
de ladicte Majesté.



A PARIS,
Chez Isaac Mesnier, Iouxte la Coppie
Imprimée au Mans,
1 6 2 0.



L A R R I V E

D V R O Y,

E N L A V I L L E D V M A N S,

Ensemble sa reception, & la Haran-
gue faicte à sa Maiesté, au nom
des Habitans de ladicte Ville.



'Honneur le plus grand que puisse recevoir vne Ville, c'est de voir s^{on} Roy, & par la co-
 gnoist on qu'elle n'est point priuée de la memoire de son Prince: antiennement les Ma-

4
cedoniens ne reçoient point plus de contentement que quand ils entendoient dire que leurs Roys reuenoient en leur Royaume, car ils estoient presque tousiours dehors à combattre les Ennemys, & tascher d'augmenter, & dilater leur regne.

C'estoit vne coustume Iadis à Rome, qu'au retour de leur Empereur, tous les Habitans se mettoient en resiouissance, en feux de ioye, en applaudissemens, en triomphes, en chantz, en pompes, en somptuosités, Bref ils recerchoient toutes les allegresses pour tesmoigner leur ioye, & pour flatter, & fauoriser la presence de leur Empereur: C'est vne louange que

tous bons subiectz se sont encores reserués à present, que de receuoir avec plus de magnificence qu'il est possible leur Roy, quand il les honore de la personne: c'est tout ainsi qu'après vn fascheux & pluuieux temps, le Soleil tout raieuny, darde la brillure de ses rayons, sur nostre horizon, qui lors nous semblent si beaux & delicieux, que nous ne trouuons rien de semblable: ce qu'on à remarqué, en Messieurs du Mans qui aduertis de l'honneur que le Roy leur vouloit faire se disposerent de le receuoir avec le plus d'esclat, & de bombamce qu'ils se peurent imaginer: sçachant que sa Majesté auoit quitte Dreux, & Verneuil, & s'achemienoit aux plus

longues iournees, pour paruenir en brief en la Ville du Mans, se preparerent à la solemnite' requise, & a la celebration d'une si honorable feste, en resiouissance de laquelle chacun disoit:

Fælix illa dies alboque notando lapillo.

Tellement que Monsieur le Marechal de Vitry, & Monsieur de Cadnet avec l'Auant-Garde arriuerent trois iours, au Mans auant le Roy, & furent receus des Habitans avec honneur, qui esperoient voir des le landemain sa Maiesté, mais quelques affaires le retinrent deux iours plus qu'ils ne s'atendoit.

Monsieur le Marechal de Vitry, ensemble Monsieur de

Cadnetfurēt à l'Hostel de ville,
 & représenterēt au corps d'icel-
 le ville la bonne volonté que le
 Roy auoit pour eux, & com-
 ment il s'aduançoit pour les af-
 fermir, & assurer contre les O-
 rages du temps, & s'enquirent
 aussi s'ils n'estoit pas bien aises,
 et disposéz à receuoir selon
 leur debuoir sa maiesté : aquoy
 tous vnanimement respondi-
 rent que c'estoit le plus grand
 honneur qu'ils peussent rece-
 uoir : & le plus grand bien que
 sa maiesté pouroit apporter à
 cette prouince.

Mon sieur de Vitry fust re-
 trouuer sa MAIESTE' ; et à
 deux lieux du Mans rencontra
 Monsieur le Marquis de Brezé,
 & Monsieur de Boisguerin avec

cinquâte cheuaux, six desquels
 s'aduancerent vers luy tous ar-
 més, et luy demenderent qui
 VIVE: ledict Sieur de Vitry, res-
 pondit, VIVE LE ROY, et
 puis apres: *Il me semble Messieurs,*
que ce n'est pas le temps, auquel on se
doibue enquerir de cecy: Nous n'a-
uons point encore de Guerre, & ie
croy que vous estes aussi bien que nous
seruiteurs de Roy: Il y en eust vn
de la troupe qui recognust Mô-
sieur de Vitry, & tous à l'instât
fist rebrousser chemin à ses cô-
pagnons, et rapporterent à Mes-
sieurs de Berzé, et Boisguerin, q
c'estoit monsieur le mareschal
de Vitry, Môsieur de Vitry pou-
suit son chemin, et arriuat vers
la Maiesté, l'assura de l'obeissan-
ce de

de ses Subiectz de la Ville du Mans, dont il fust bien aise : le Roy le lendemain partist pour arriuer au Mans de bonne heure : et à deux bonnes lieues de la ville deux à trois centz cheuaux le furent trouuer, des plus apparentz : vne lieue plus prestz il y auoit enuiron de cinq à six centz habitans en armes et en bon poinct : il y auoit six Capitaines tous des escharpes blanches, liés de bleuf, et la plume la premiere Compagnie, avec des Casques de tafetas incarnadin : et le reste en bon ordre et puis à vn bon quart de lieues de la ville, estoit la iustice qui attendoit la sa maiesté, laquelle y arriua comme sur les quatres heures : tout ce iour la n'auoit

point esté beau, mais pour lors
estoit il plus serain, et donna le
loisir au commis des Habitans
de dire ses motz au Roy.

H A R A N G U E F A I C T
par le Commis des Habitans de la
Ville en Mans, A V R O Y.

SIRE; Comme la santé,
est agreable, et delicieuse
au malade, qui l'attendoit avec
tât d'impatiance: le iour à ceux
qui ont passé la nuict en inquie-
tude et peril: le port à ceux qui
estoint exposées à l'orage de la
mer couroucée: ainsi, SIRE,
vostre arriuée nous est elle aussi
louefue, & fauorable: & vostre
presence dissipe beaucoup des

Nuees qui sembloient se vou-
 loir distiller sur nous : il y a long
 temps que nous soupirons en-
 tre les tenebres d'une nuit pre-
 ueue, & apprehendée, & entre
 la douceur de vostre beau iour
 desiré & souhaitté pour la con-
 seruatió de vostre pauvre peu-
 ple, qui n'esperoit sans les Ray-
 ons de vostre Royauté, que les
 Ecclipses d'un Astre si beau, &
 les douleurs de tant de larmes
 communes, confites en desola-
 tions de tant de familles. vostre
 retour, SIRE, nous est cher
 comme celuy d'Ulysée à sa Pe-
 nelope, & s'il nous a esté long,
 il nous est aussi plus certain, &
 profitable: nous nous voyons
 tous exposés à beaucoup d'ad-
 uanture, & maintenant nous

nous voyons affranchis par le flambeau de vostre Sceptre de tant de miseres: no⁹ vo⁹ supplis tres . humblement, Sire, qu'il plaise à vostre Maiesté, nous aider, & secourir, & nous deffendre contre vos ennemys, & les nostres, car nous ne porterons iamais autres marques, que celles de vostre obeissance, & ne desirons pas nous destourner du seruice que nous vous deuons comme estantz du tout à vous, et prestz de nous offrir au piedz de vostre Couronne.

Le Roy les remercia, et fust conduict par tout le Peuple cy dessus sans bruiet, et sans desordre iusques dedans la Ville: ou il est encore à present: et voila comment il à esté receu en la ville du Mans.

Messieurs de la ville du Más auoient le bruiet de tenir pont Messieurs les Princes, et mesmes on disoit desia qu'il auoient mis garnison dedans: mais ils telmoignerent bien a sa Maieste' le contraire, rendant preuve de leur fidelite', et se declarantz fidelles & obeissantz subiectz de la Couronne, il est bien vray, & eust este' à craindre que si le Roy ne s'y fust achemine' que volontiers violamment, et par force, ils eussent fieschi sous le pouuoir de leurs armes: a quoy la sage prudence d'un Royal Conseil auoir pourueu, et pouruoit tous les iours au necessités de la France, restaurât l'Estat, et restablissant vn bon gouuernement par toutes les Prouinces.

: Nous pouuons certifier par
 nostre experiance la veité du
 commun Prouerbe, qu'on a ac-
 coustumé de dire ordinaire-
 ment, *que bien heureuse est la Ré-*
publique qui à vn bon chef: bienheu-
reux est le Royaume qui à vn bon
Roy, ô que donc bienheureuse
 en la France, qui à le meilleur, le
 plus sage, le plus clement, le plus
 misericordieux, le plus debonnaire,
 le plus pieux, le plus affectionné à
 la conseruation de ses subiectz,
 le plus Zele à l'aduancement de
 son regne, & le plus iuste de tout
 l'Vniuers: Monarque qui re-
 nouuellera la felicité de *Dauid*, la
 sagesse de *Salomon*, la sainteté de *S.*
Louys: la valeur du grand *Henry*:
 & continuera iusques apres le
 Tombeau la iustice, de **LOVYS**
 treizieme.

La France aujourdhuy à toutes les matieres du monde de louer Dieu pour vn si bon Roy: de le conseruer par ses prieres, de l'entretenir par sa fidelité, de le vaincre par son humilité, de le gagner par son obeissance: de l'obliger par ses seruices, & de prier Dieu pour l'augmētation de sa Iustice & de sa religiō: & qu'il plaise à Dieu luy distribuer les dōs de sa sapience afin qu'il nous puisse long temps gouuerner en paix: qu'il puisse viure repos, qu'il puisse passer l'age de Nestor en tranquillité, & qu'apres sa mort sa vertu, & sa Iustice le rendent immortel, & que ses bōnes mœurs le couronnent dans les Cieux. Ainsi soit-il.

F I N.

hoc 2

